

Ugovorne strane:

Ministarstvo unutrašnjih poslova Kantona Sarajevo, ulici La Benevolencije broj 16, koje zastupa ministar Admir Katica (u daljnjem tekstu: Ugovorni organ) i

BOSMAN d.o.o. Sarajevo, ulica Rakovička cesta broj 18, Sarajevo, kojeg zastupa generalni direktor Sunija Jahić (u tekstu: Dobavljač)

zaključili su:

UGOVOR

o nabavci usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo.

Nabavka je izvršena u skladu sa članom 10. tačka e) Zakona o javnim nabavkama na osnovu Odluke o provođenju postupka nabavke, broj 01-11-4830 od 29.09.2020. godine, putem raspisivanja Javnog poziva.

Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-11-4-4380-4 od 07.10.2021. godine.

Ponuda Dobavljača broj 559P/20 od 19.10.2020. godine je sastavni dio ugovora.

Član 2.

Cijena usluga iz člana 1. ovog Ugovora iznosi 5.655,00 KM sa uključenim PDV-om, mjesečno, odnosno 67.860,00 KM sa PDV-om (šezdesetsedamhiljadaosamstotinašezdeset i 00/100 KM) godišnje.

Dobavljač se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ugovora pružati usluge zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo.

Ugovorni organ se obavezuje da će, pored usluga zakupa navedenih u stavu (1) ovog člana, vršiti i plaćanje komunalnih usluga za lokaciju na kojoj su deponovana vozila u skladu sa članom 2. Aneksa II, broj 01-11-4-4380-7 od 07.07.2023. godine.

Član 3.

Usluga zakupa prostora za odlaganje oduzetih motornih vozila će se vršiti na lokaciji Dobavljača u ulici Reljevska bb.

Član 4.

Ugovorni organ će ugovorenu cijenu plaćati Dobavljaču u roku od 30 (trideset) dana od dostavljanja pojedinačne fakture.

Član 5.

Dobavljač se obavezuje da ugovorenu uslugu izvrši u svemu prema propisima, standardima i normama kvaliteta koje važe za vrstu usluga koje su predmet nabavke.

Član 6.

Ukoliko poslije ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će, u pisanoj formi, obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, spor će rješavati nadležni sud u Sarajevu.

Član 8.

Dobavljač nema pravo da zapošljava u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, Javnog poziva, bila u svojstvu člana ili stručnog lica koje je angažovala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.

Sve eventualne dopune i izmjene ovog Ugovora moguće je obaviti pismeno potpisivanjem novog ugovora, uz provođenje zakonom predviđenih procedura i uz saglasnost ugovornih strana.

Član 9.

Ovaj Ugovor stupa na snagu danom potpisivanja ugovornih strana, a u skladu sa članom 7. Okvirnog sporazuma i Zapisnikom o primopredaji predmeta zukupna od 09.08.2022. godine, a primjenjuje se od 09.08.2025. godine i traje godinu dana.

Član 10.

Ugovor je sačinjen u četiri istovjetna primjerka, od kojih po dva zadržava svaka ugovorna strana.

DOBAVLJAČ
"BOSMAN" d.o.o. Sarajevo

direktor, Sunija Janić

Broj: 138/4/25
Dana: 08.08.2025.

UGOVORNI ORGAN
MUP KANTONA SARAJEVO

ministar Admir Katica

Broj: 01-11-4-4830-10
Dana: _____